



Mesur Llywodraeth Leol (Cymru) 2011

2011 mccc 4

RHAN 2

ABSENOLDEB TEULUOL AR GYFER AELODAU AWDURDODAU LLEOL

23 Yr hawl i absenoldeb teuluol

- (1) Caiff aelod o awdurdod lleol a chanddo hawl i gyfnod o absenoldeb teuluol fod yn absennol o gyfarfodydd o'r awdurdod yn ystod y cyfnod hwnnw o absenoldeb teuluol.
- (2) Os aelod o weithrediaeth yr awdurdod lleol yw'r aelod, caiff yr aelod fod yn absennol o gyfarfodydd o'r weithrediaeth yn ystod y cyfnod hwnnw o absenoldeb teuluol.
- (3) Mae is-adrannau (1) a (2) yn ddarostyngedig i reoliadau o dan y Rhan hon.
- (4) At ddibenion y Rhan hon, mae gan aelod hawl i gyfnod o absenoldeb teuluol os oes gan yr aelod hawl i gyfnod—
 - (a) o absenoldeb mamolaeth (gweler adran 24),
 - (b) o absenoldeb newydd-anedig (gweler adran 25),
 - (c) o absenoldeb mabwysiadwydd (gweler adran 26),
 - (d) o absenoldeb mabwysiadu newydd (gweler adran 27), neu
 - (e) o absenoldeb rhiant (gweler adran 28).

Gwybodaeth Cychwyn

- II** A. 23 ddim mewn grym ar Gymeradwyaeth Frenhinol, gweler [a. 178\(3\)](#)

24 Absenoldeb mamolaeth

- (1) Mae gan aelod o awdurdod lleol hawl i gyfnod o absenoldeb (“absenoldeb mamolaeth”) os yw'r aelod yn bodloni amodau rhagnodedig o ran mamolaeth.
- [^{F1}(2) Rhaid i reoliadau gynnwys darpariaeth ar gyfer penderfynu—

Statws Golwg cyfnod mewn amser fel yr oedd ar 25/03/2022.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Llywodraeth Leol (Cymru) 2011, RHAN 2. (See end of Document for details)

(a) i ba raddau y mae gan aelod hawl i absenoldeb mamolaeth mewn cysylltiad â phlentyn;

(b) pryd y caniateir cymryd absenoldeb mamolaeth.]

^{F2}(3)

^{F3}(4)

(5) Caiff rheoliadau ganiatáu i aelod ddewis, yn ddarostyngedig i gyfyngiadau rhagnodedig, y dyddiad pryd y bydd cyfnod o absenoldeb mamolaeth yn dechrau.

(6) Caiff rheoliadau ragnodi amgylchiadau pan gaiff yr aelod o awdurdod lleol, neu pan gaiff yr awdurdod lleol—

(a) terfynu cyfnod o absenoldeb mamolaeth, neu

(b) diddymu cyfnod o absenoldeb mamolaeth.

Diwygiadau Testunol

F1 A. 24(2) wedi ei amnewid (21.1.2021) gan Deddf Llywodraeth Leol ac Etholiadau (Cymru) 2021 (asc 1), **aa. 61(2)(a)**, 175(1)(d)

F2 A. 24(3) wedi ei hepgor (21.1.2021) yn rhinwedd Deddf Llywodraeth Leol ac Etholiadau (Cymru) 2021 (asc 1), **aa. 61(2)(b)**, 175(1)(d)

F3 A. 24(4) wedi ei hepgor (21.1.2021) yn rhinwedd Deddf Llywodraeth Leol ac Etholiadau (Cymru) 2021 (asc 1), **aa. 61(2)(b)**, 175(1)(d)

Gwybodaeth Cychwyn

I2 A. 24 ddim mewn grym ar Gymeradwyaeth Frenhinol, gweler **a. 178(3)**

25 Absenoldeb newydd-anedig

(1) Mae'r adran hon yn gymwys i aelod o awdurdod lleol sy'n bodloni amodau rhagnodedig—

(a) o ran perthynas â phlentyn newydd-anedig neu blentyn a ddisgwylir, a

(b) o ran perthynas â mam y plentyn.

(2) Mae gan yr aelod hawl i gyfnod o absenoldeb (“absenoldeb newydd-anedig”) at ddibenion—

(a) gofalu am y plentyn, neu

(b) cynorthwyo'r fam.

(3) Rhaid i reoliadau gynnwys darpariaeth ar gyfer penderfynu—

(a) i ba raddau y mae gan aelod hawl i absenoldeb newydd-anedig mewn cysylltiad â phlentyn;

(b) pryd y caniateir cymryd absenoldeb newydd-anedig.

^{F4}(4)

(5) Rhaid i reoliadau ei gwneud yn ofynnol i absenoldeb newydd-anedig gael ei gymryd cyn diwedd cyfnod rhagnodedig.

^{F5}(6)

Statws Golwg cyfnod mewn amser fel yr oedd ar 25/03/2022.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Llywodraeth Leol (Cymru) 2011, RHAN 2. (See end of Document for details)

(7) Caiff rheoliadau ragnodi amgylchiadau pan gaiff aelod o awdurdod lleol, neu pan gaiff yr awdurdod lleol—

- (a) terfynu cyfnod o absenoldeb newydd-anedig, neu
- (b) diddymu cyfnod o absenoldeb newydd-anedig.

(8) Caiff rheoliadau—

- (a) (at ddibenion is-adran (2)) ragnodi pethau sydd i'w barnu neu beidio a'u barnu yn bethau sydd wedi eu gwneud at ddibenion gofalu am blentyn neu gynorthwyo mam y plentyn;
- (b) caniatáu i aelod ddewis, yn ddarostyngedig i gyfyngiadau rhagnodedig, y dyddiad pryd y bydd cyfnod o absenoldeb newydd-anedig yn dechrau;
- (c) gwneud darpariaeth sy'n eithrio hawl i absenoldeb newydd-anedig mewn cysylltiad â phlentyn pan fo mwy nag un plentyn yn cael ei eni o ganlyniad i'r un beichiogrwydd;
- (d) gwneud darpariaeth ynghylch sut y ceir cymryd absenoldeb newydd-anedig.

^{F6}(9)

(10) Yn yr adran hon—

mae “plentyn newydd-anedig” (“*newborn child*”) yn cynnwys plentyn marw-anedig ar ôl 24 o wythnosau o feichiogrwydd;

^{F7}
...

Diwygiadau Testunol

- F4** A. 25(4) wedi ei hepgor (21.1.2021) yn rhinwedd [Deddf Llywodraeth Leol ac Etholiadau \(Cymru\) 2021 \(asc 1\)](#), [aa. 61\(3\)\(a\)](#), 175(1)(d)
- F5** A. 25(6) wedi ei hepgor (21.1.2021) yn rhinwedd [Deddf Llywodraeth Leol ac Etholiadau \(Cymru\) 2021 \(asc 1\)](#), [aa. 61\(3\)\(b\)](#), 175(1)(d)
- F6** A. 25(9) wedi ei hepgor (21.1.2021) yn rhinwedd [Deddf Llywodraeth Leol ac Etholiadau \(Cymru\) 2021 \(asc 1\)](#), [aa. 61\(3\)\(c\)](#), 175(1)(d)
- F7** Geiriau yn a. 25(10) wedi eu hepgor (21.1.2021) yn rhinwedd [Deddf Llywodraeth Leol ac Etholiadau \(Cymru\) 2021 \(asc 1\)](#), [aa. 61\(3\)\(d\)](#), 175(1)(d)

Gwybodaeth Cychwyn

- I3** A. 25 ddim mewn grym ar Gymeradwyaeth Frenhinol, gweler [a. 178\(3\)](#)

26 Absenoldeb mabwysiadydd

(1) Mae gan aelod o awdurdod lleol hawl i gyfnod o absenoldeb (“absenoldeb mabwysiadydd”) os yw'r aelod yn bodloni amodau rhagnodedig o ran mabwysiadu plentyn.

(2) Rhaid i reoliadau gynnwys darpariaeth ar gyfer penderfynu—

- (a) i ba raddau y mae gan aelod hawl i absenoldeb mabwysiadydd mewn cysylltiad â phlentyn;
- (b) pryd y caniateir cymryd absenoldeb mabwysiadydd.

^{F8}(3)

Statws Golwg cyfnod mewn amser fel yr oedd ar 25/03/2022.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Llywodraeth Leol (Cymru) 2011, RHAN 2. (See end of Document for details)

- (4) Caiff rheoliadau ganiatáu i aelod ddewis, yn ddarostyngedig i gyfyngiadau rhagnodedig, y dyddiad pryd y bydd cyfnod o absenoldeb mabwysiadu yn dechrau.
- (5) Caiff rheoliadau ragnodi amgylchiadau pan gaiff aelod o awdurdod lleol, neu pan gaiff yr awdurdod lleol—
 - (a) terfynu cyfnod o absenoldeb mabwysiadu, neu
 - (b) diddymu cyfnod o absenoldeb mabwysiadu.

Diwygiadau Testunol

F8 A. 26(3) wedi ei hepgor (21.1.2021) yn rhinwedd [Deddf Llywodraeth Leol ac Etholiadau \(Cymru\) 2021 \(asc 1\)](#), **aa. 61(4)**, 175(1)(d)

Gwybodaeth Cychwyn

I4 A. 26 ddim mewn grym ar Gymeradwyaeth Frenhinol, gweler **a. 178(3)**

27 Absenoldeb mabwysiadu newydd

- (1) Mae'r adran hon yn gymwys i aelod o awdurdod lleol sy'n bodloni amodau rhagnodedig—
 - (a) o ran perthynas â phlentyn a gafodd ei leoli, neu y disgwylir iddo gael ei leoli, ar gyfer ei fabwysiadu o dan gyfraith unrhyw ran o'r Deyrnas Unedig, a
 - (b) o ran perthynas â pherson y lleolir y plentyn gydag ef, neu y disgwylir iddo gael ei leoli gydag ef, ar gyfer ei fabwysiadu.
- (2) Mae gan yr aelod hawl i gyfnod o absenoldeb (“absenoldeb mabwysiadu newydd”) at ddibenion—
 - (a) gofalu am y plentyn, neu
 - (b) cynorthwyo'r person y mae'r aelod o'i herwydd yn bodloni'r amod o dan is-adran (1)(b).
- (3) Rhaid i reoliadau gynnwys darpariaeth ar gyfer penderfynu—
 - (a) i ba raddau y mae gan aelod hawl i absenoldeb mabwysiadu newydd mewn cysylltiad â phlentyn;
 - (b) pryd y caniateir cymryd absenoldeb mabwysiadu newydd.

^{F9}(4)

- (5) Rhaid i reoliadau ei gwneud yn ofynnol i absenoldeb mabwysiadu newydd gael ei gymryd cyn diwedd cyfnod rhagnodedig.

^{F10}(6)

- (7) Caiff rheoliadau ragnodi amgylchiadau pan gaiff aelod o awdurdod lleol, neu pan gaiff yr awdurdod lleol—
 - (a) terfynu cyfnod o absenoldeb mabwysiadu newydd, neu
 - (b) diddymu cyfnod o absenoldeb mabwysiadu newydd.
- (8) Caiff rheoliadau—
 - (a) (at ddibenion is-adran (2)) ragnodi pethau sydd i'w barnu neu beidio a'u barnu yn bethau sydd wedi eu gwneud at ddibenion gofalu am blentyn neu gynorthwyo person y lleolir plentyn gydag ef ar gyfer ei fabwysiadu;

Statws Golwg cyfnod mewn amser fel yr oedd ar 25/03/2022.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Llywodraeth Leol (Cymru) 2011, RHAN 2. (See end of Document for details)

- (b) caniatáu i aelod ddewis, yn ddarostyngedig i gyfyngiadau rhagnodedig, y dyddiad pryd y bydd cyfnod o absenoldeb mabwysiadu newydd yn dechrau;
- (c) gwneud darpariaeth sy'n eithrio'r hawl i fod yn absennol o dan yr adran hon yn achos aelod sy'n arfer hawl i fod yn absennol oherwydd absenoldeb mabwysiadu;
- (d) gwneud darpariaeth sy'n eithrio hawl i absenoldeb mabwysiadu newydd mewn cysylltiad â phlentyn pan leolir mwy nag un plentyn ar gyfer ei fabwysiadu fel rhan o'r un trefniant;
- (e) gwneud darpariaeth ynghylch sut y ceir cymryd absenoldeb mabwysiadu newydd.

F11(9)

F12(10)

- (11) Caiff Gweinidogion Cymru drwy reoliadau ddarparu bod yr adran hon yn gymwys mewn perthynas ag achosion sy'n ymwneud â mabwysiadu, ond nid â lleoli plentyn ar gyfer ei fabwysiadu o dan gyfraith unrhyw ran o'r Deyrnas Unedig.

Diwygiadau Testunol

- F9** A. 27(4) wedi ei hepgor (21.1.2021) yn rhinwedd [Deddf Llywodraeth Leol ac Etholiadau \(Cymru\) 2021 \(asc 1\)](#), **aa. 61(5)(a)**, 175(1)(d)
- F10** A. 27(6) wedi ei hepgor (21.1.2021) yn rhinwedd [Deddf Llywodraeth Leol ac Etholiadau \(Cymru\) 2021 \(asc 1\)](#), **aa. 61(5)(b)**, 175(1)(d)
- F11** A. 27(9) wedi ei hepgor (21.1.2021) yn rhinwedd [Deddf Llywodraeth Leol ac Etholiadau \(Cymru\) 2021 \(asc 1\)](#), **aa. 61(5)(c)**, 175(1)(d)
- F12** A. 27(10) wedi ei hepgor (21.1.2021) yn rhinwedd [Deddf Llywodraeth Leol ac Etholiadau \(Cymru\) 2021 \(asc 1\)](#), **aa. 61(5)(c)**, 175(1)(d)

Gwybodaeth Cychwyn

- I5** A. 27 ddim mewn grym ar Gymeradwyaeth Frenhinol, gweler **a. 178(3)**

28 Absenoldeb rhiant

- (1) Mae'r adran hon yn gymwys i aelod o awdurdod lleol sy'n bodloni amodau rhagnodedig o ran—
 - (a) ysgwyddo cyfrifoldeb am blentyn; neu
 - (b) disgwyl ysgwyddo cyfrifoldeb am blentyn.
- (2) Mae gan yr aelod hawl i gyfnod o absenoldeb (“absenoldeb rhiant”) at ddibenion gofalu am y plentyn.
- (3) Rhaid i reoliadau gynnwys darpariaeth ar gyfer penderfynu—
 - (a) i ba raddau y mae gan aelod hawl i absenoldeb rhiant mewn cysylltiad â phlentyn;
 - (b) pryd y caniateir cymryd yr absenoldeb rhiant.

F13(4)

- (5) Caiff darpariaeth o dan is-adran (3)(b) gyfeirio at y canlynol (ymhlith pethau eraill)—
 - (a) oedran plentyn, neu

Statws Golwg cyfnod mewn amser fel yr oedd ar 25/03/2022.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Llywodraeth Leol (Cymru) 2011, RHAN 2. (See end of Document for details)

- (b) cyfnod rhagnodedig o amser sy'n dechrau gyda digwyddiad rhagnodedig.
- (6) Caiff rheoliadau ragnodi amgylchiadau pan gaiff aelod o awdurdod lleol, neu pan gaiff yr awdurdod lleol—
- (a) terfynu cyfnod o absenoldeb rhiant, neu
- (b) diddymu cyfnod o absenoldeb rhiant.
- (7) Caiff rheoliadau—
- (a) (at ddibenion is-adran (2)), ragnodi pethau sydd i'w barnu neu beidio a'u barnu yn bethau sydd wedi eu gwneud, at ddibenion gofalu am blentyn;
- (b) ei gwneud yn ofynnol bod absenoldeb rhiant yn cael ei gymryd fel un cyfnod o absenoldeb ym mhob achos neu mewn achosion penodedig;
- (c) ei gwneud yn ofynnol bod absenoldeb rhiant yn cael ei gymryd fel cyfres o gyfnodau o absenoldeb ym mhob achos neu mewn achosion rhagnodedig;
- (d) ei gwneud yn ofynnol bod yr holl gyfnod o absenoldeb rhiant neu rannau rhagnodedig ohono yn cael ei gymryd neu eu cymryd ar adegau rhagnodedig neu erbyn adegau rhagnodedig;
- (e) caniatáu i aelod ddewis, yn ddarostyngedig i gyfyngiadau rhagnodedig, y dyddiad y mae cyfnod o absenoldeb rhiant yn dechrau;
- (f) gwneud darpariaeth i awdurdod lleol ohirio cyfnod o absenoldeb rhiant y mae aelod yn dymuno ei gymryd;
- (g) rhagnodi cyfnod lleiaf o absenoldeb neu gyfnod mwyaf o absenoldeb y caniateir ei gymryd fel rhan o gyfnod absenoldeb rhiant;
- (h) rhagnodi uchafswm agregiad y cyfnodau o absenoldeb rhiant y caniateir eu cymryd yn ystod cyfnod rhagnodedig o amser.

Diwygiadau Testunol

F13 A. 28(4) wedi ei hepgor (21.1.2021) yn rhinwedd [Deddf Llywodraeth Leol ac Etholiadau \(Cymru\) 2021 \(asc 1\)](#), **aa. 61(6)**, 175(1)(d)

Gwybodaeth Cychwyn

I6 A. 28 ddim mewn grym ar Gymeradwyaeth Frenhinol, gweler **a. 178(3)**

29 Rheoliadau: atodol

Caiff rheoliadau o dan y Rhan hon—

- (a) gwneud darpariaeth ynghylch hysbysiadau sydd i'w rhoi, tystiolaeth sydd i'w dangos, cofnodion sydd i'w cadw a gweithdrefnau eraill sydd i'w dilyn gan aelod o awdurdod lleol neu gan awdurdod lleol;
- (b) gwneud darpariaeth ar gyfer canlyniadau methu â rhoi hysbysiadau, dangos tystiolaeth, cadw cofnodion neu gydymffurfio â gofynion gweithdrefnol eraill;
- (c) gwneud darpariaeth ar gyfer canlyniadau methu â gweithredu yn unol â hysbysiad a roddwyd yn rhinwedd paragraff (a);
- (d) gwneud darpariaeth yn rhoi hawl i aelod o awdurdod lleol (neu o'r weithrediaeth) i gyflwyno cwyn ynghylch penderfyniad gan awdurdod lleol i derfynu cyfnod o absenoldeb neu i ohirio neu ddiddymu cyfnod o absenoldeb;
- (e) gwneud darpariaeth mewn cysylltiad â hawl a roddir yn rhinwedd paragraff (d) gan gynnwys, ymhlith pethau eraill, ddarpariaeth ynghylch—

Statws Golwg cyfnod mewn amser fel yr oedd ar 25/03/2022.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Llywodraeth Leol (Cymru) 2011, RHAN 2. (See end of Document for details)

- (i) ar ba sail y caniateir cyflwyno cwyn;
- (ii) y person y caniateir cyflwyno cwyn iddo;
- (iii) yr amodau gweithdrefnol i'w bodloni;
- (iv) gwneud cwyn, penderfynu arni a'i heffaith;
- (f) gwneud darpariaeth o ran aelod o awdurdod lleol (neu o'r weithrediaeth) ynghylch i ba raddau—
 - (i) y caiff weithredu fel aelod o'r awdurdod (neu o'r weithrediaeth) yn ystod cyfnod o absenoldeb;
 - (ii) y mae ganddo hawl i unrhyw fanteision sy'n dod iddo drwy aelodaeth o'r awdurdod (neu o'r weithrediaeth) yn ystod cyfnod o absenoldeb;
 - (iii) y mae'n rhwymedig o dan unrhyw ddyletswydd drwy aelodaeth o'r awdurdod (neu o'r weithrediaeth) yn ystod cyfnod o absenoldeb.
- (g) cymhwyso deddfiad neu wneud addasiadau iddo.

Gwybodaeth Cychwyn

17 A. 29 ddim mewn grym ar Gymeradwyaeth Frenhinol, gweler [a. 178\(3\)](#)

30 Canllawiau

Wrth iddo arfer ei swyddogaethau, rhaid i awdurdod lleol roi sylw i ganllawiau a roddir gan Weinidogion Cymru mewn perthynas â hawliau aelodau o'r awdurdod o dan y Rhan hon.

Gwybodaeth Cychwyn

18 A. 30 ddim mewn grym ar Gymeradwyaeth Frenhinol, gweler [a. 178\(3\)](#)

31 Diwygio Deddf Llywodraeth Leol 1972

- (1) Diwygir adran 85 o Ddeddf Llywodraeth Leol 1972 (gadael swydd oherwydd methiant i fynychu cyfarfodydd) fel a ganlyn.
- (2) Ar ôl is-adran (3A) mewnosoder—
 - “(3B) Subsections (3C) and (3D) apply for the purpose of calculating the period of six consecutive months under subsection (1) or (2A).
 - (3C) Any period during which a member of a local authority in Wales is exercising a right to absence under Part 2 of the Local Government (Wales) Measure 2011 is to be disregarded.
 - (3D) The following two periods are to be treated as consecutive—
 - (a) the period during which a member of a local authority in Wales fails to attend meetings of the authority or, as the case may be, meetings of the executive that falls immediately before the period described in subsection (3C), and
 - (b) the period that falls immediately after the period described in subsection (3C).”.

Statws Golwg cyfnod mewn amser fel yr oedd ar 25/03/2022.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Llywodraeth Leol (Cymru) 2011, RHAN 2. (See end of Document for details)

Gwybodaeth Cychwyn

I9 A. 31 ddim mewn grym ar Gymeradwyaeth Frenhinol, gweler **a. 178(3)**

32 Diwygio Deddf Llywodraeth Leol 2000

- (1) Diwygir adran 11 o Ddeddf Llywodraeth Leol 2000 (gweithrediaethau awdurdodau lleol) fel a ganlyn.
- (2) Ar ôl is-adran (8) ychwanegwch—

“(8A) For the purposes of subsection (8), no account is to be taken of a member appointed to the executive on a temporary basis to cover the absence of a member exercising a right to a family absence under Part 2 of the Local Government (Wales) Measure 2011.”.

Gwybodaeth Cychwyn

I10 A. 32 ddim mewn grym ar Gymeradwyaeth Frenhinol, gweler **a. 178(3)**

33 Dehongli Rhan 2

Yn y Rhan hon—

mae “aelod o awdurdod lleol” (“*member of a local authority*”) yn cynnwys maer etholedig (o fewn ystyr adran 39(1) o Ddeddf Llywodraeth Leol 2000) neu aelod gweithrediaeth etholedig (o fewn ystyr adran 39(4) o'r Ddeddf honno) o'r awdurdod;

[^{F14}mae “awdurdod lleol” (“*local authority*”) yn cynnwys cyd-bwyllgor corfforedig;]

ystyr “cyfarfod o'r awdurdod” (“*meeting of the authority*”) yw unrhyw un neu ragor o'r canlynol—

- cyfarfod o'r awdurdod lleol;
- cyfarfod o unrhyw bwyllgor neu is-bwyllgor i'r awdurdod;
- cyfarfod o unrhyw gyd-bwyllgor, cyd-fwrdd neu gorff arall y mae swyddogaethau'r awdurdod ar y pryd yn cael eu cyflawni ganddo;
- cyfarfod o unrhyw gorff a benodwyd i gynghori'r awdurdod ar unrhyw fater sy'n ymwneud â chyflawni swyddogaethau'r awdurdod;
- cyfarfod o unrhyw gorff y mae'r awdurdod yn cael ei gynrychioli arno.

ystyr “cyfarfod o'r weithrediaeth” (“*meeting of the executive*”) yw unrhyw un neu ragor o'r canlynol—

- cyfarfod o'r weithrediaeth;
- cyfarfod o unrhyw bwyllgor i'r weithrediaeth;
- cyflawni gan aelod sy'n gweithredu ar ei ben ei hun unrhyw swyddogaeth y mae gan y weithrediaeth gyfrifoldeb amdani;

ystyr “gweithrediaeth” (“*executive*”) yw unrhyw un o'r canlynol—

- gweithrediaeth arweinydd a chabinet (Cymru);
- gweithrediaeth maer a chabinet;

Statws Golwg cyfnod mewn amser fel yr oedd ar 25/03/2022.
Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Llywodraeth Leol (Cymru) 2011, RHAN 2. (See end of Document for details)

ystyr “rheoliadau” (“*regulations*”) yw rheoliadau a wnaed gan Weinidogion Cymru.

Diwygiadau Testunol

F14 Geiriau yn [a. 33](#) wedi eu mewnosod (25.3.2022) gan [Rheoliadau Cyd-bwyllgorau Corfforedig \(Cyffredinol\) \(Cymru\) 2022 \(O.S. 2022/372\)](#), rhlau. 1(2), **49**

Gwybodaeth Cychwyn

I11 A. 33 ddim mewn grym ar Gymeradwyaeth Frenhinol, gweler [a. 178\(3\)](#)

Statws

Golwg cyfnod mewn amser fel yr oedd ar 25/03/2022.

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Llywodraeth Leol (Cymru) 2011, RHAN 2.